

Орн-нутгтан ноос, мах, үс икәр өгхмн!



520 центнер мах орулдж өгв

Приозерн района, „Чкалов“ совхоз государствд мах орулдж өглгәнә өрәл джилә зурагъан күцәкв. Государствд 520 центнер мах өгәд, зурагъар хәләгдснәс 12 центнер мах үлү өгв. Өгсн малмуднь цугъар таргън болдж гарв.

КПСС-н ЦК-н болн СССР-н Министрмүдин Советин бичгәр күүндвр кедж, шинәс улм өөдән даалгъвр авцхав. Тер даалгъвран күцәхин төлә хөөчнр болн малчнр дунд социалистическ дөрлдә өргәр делгрүлдж йовцхана.

Үлгүрлхд, хойрдгч фермин ах малч болдж кәдлджәх Үр Гайсаев Генаитулла малан сән идгәр өдр сө уга арднь орлж шунмгъагъар хәрүлдж, цаглань услдж йовсн учрар, дундлад нег толгъа бод мал болгънас өдртән 750 грамм өслт авсн бәәнә.

Үр Гайсаев Г. болн Погибельной хойр хоорндан социалистическ дөрлдә кедж йовцхана. Тер дөрлдәнд Үр Гайсаев өмн нүүрт йовна.

Бамбаев Боова.
с. Кетченер.